



I ladins se mostra stersc cuntra le Gais mo mëss fa i cunc cun na debla direziun arbitrala y vëgn ciamó castigà al'ultim menüt de jüch.

I padruns de ciasa ti pita al publich de ciasa üna dles mius prestaziuns cina sègn y dominèia le secundo tēmp cun ma diesc sogadus te ciamp. Impó ne à chësc basté por la devënta. La Val mëss fa i cunc cun bëgn dodesc aversars te ciamp, le mandl fosch ruvina cun súa debla direziun la partida y ne ti conzed insciö nia i trëi punc ai ladins.

Ince sce le Gais pëia ia cun plö sbunf, é tosc i ladins che se fej avarëi y rōia al vantaje al 22[^] cun en gran gol de Alex E. Al anuzëia la crossada lungia de Egon por jí a staché de ce dal limit, le pale indirizé a dovëi, rōia avisa tl'incrujiada de porta. Val menüc dedô resta le curan sön le cinch de area dl Gais, Stefan pro da abiné le palé, se oj y tira cuntra la porta, indere sura fora. Püch plö tert avaliëia i ghesch le resultat, la trata sterscia de puniziun dai vintecinch metri dl capitän Kröll rōia püch sot la stangia de porta ite. L'andamënt dl prom tēmp, cun La Val che fej n bel jüch, fej speré tl vantaje dla secunda pert.

Le pröm temp se stlùj jö sön le resultat de 1 a 1.

Cun convinziun y determinaziun röia i ladins de ciamp, mo mëss bel tosc renunzié al compagn Franz, che vëgn desgort dal ciamp por dopla amoniziun por le contrast sön le numer un avversar. Tosc é spo ince l'arbitrer che fej süa pert, bëgn dui iadi pëia ia na gran aziun cuntra la porta dl Gais y trami iadi vëgn l'atacant contrasté te area avversara. I fai evidënc ne vëgn nia conscidrà dal'arbitrer che ne conzed nia l tlêrs önescmetri. La direziun arbitrala nia iüsta ti cunfrunc di ladins va inant cun de vigni sort de "scincundes" ai avversars. Ince sce ma plö in diesc te ciamp, é la forza de grup che se fej udëi y le Gais pó ma plö aretré a se defënn. Al 80^a vëgn le palé spizuré a mezciamp y röia a Michele C. che va sú cuntra porta y pro la trata bassa, le portier é chilò reatíf a paré. Sciöche al é pro le sughé al palé, sce ne t'ess nia bun de fa gol, gnaraste tosc castighé. Insciö era ince stada y al 89^a menüt de jüch, sön na trata dal ciantun é la dijatenziun ladina che pormët al'atacant de ruvé a rebat le curan cun le ce te porta. Le vantaje avversar fej ruvé la partida cun i scrai dl publich y la delujiun di sogadus, che ne ess nia mirité chësta fin.

La Val – Gais 1-2

Formaziun La Val: 1. Sepl Kantioler, 2. Marco Sottara, 3. Egon Frenes, 4. Paolo Vallazza, 5. Marco Castlunger, 6. Christian Dapoz, 7. Max Nagler (al 70^a Michele Campeï), 8. Franz Tolpeit, 9. Alex Elzenbaumer, 10. Stefan Sottara – capitan, 11. Daniel Frenes (al 75^a Christian Terza)

Gol La Val: Alex Elzenbamer al 22[^]

Proscima partida: La Val süga en dumënia dales 15:30 a La Ila cuntra la Val Badia

Atri resultac:

Altherren (La Val): La Val – Dietenheim 0-3

Juniores Pool (La Val): Tscherms M.– La Val: 1-1

Aliefs (Mareo/La Val): Rasen – Mareo: 5-2

U-13 (La Val): La Val – Rasen/Antholz 2-7

U-10 (La Val): La Val – Mareo 6-1